



ლანჩხუთის მუნიციპალიტეტის საკრებულო

განკარგულება №81

2012 წლის 30 ივლისი

ქ. ლანჩხუთი

„სამშობლოსათვის დაღუპულ გმირთა მემორიალის პროექტის შესარჩევი კონკურსის პირობების დამტკიცების შესახებ“ ლანჩხუთის მუნიციპალიტეტის საკრებულოს 2012 წლის 20 აპრილის N55 განკარგულებაში ცვლილების შეტანის თაობაზე

საქართველოს ზოგადი ადმინისტრაციული კოდექსის 61-ე მუხლის შესაბამისად,

მუხლი 1. შევიდეს ცვლილება „სამშობლოსათვის დაღუპულ გმირთა მემორიალის პროექტის შესარჩევი კონკურსის პირობების დამტკიცების შესახებ“ ლანჩხუთის მუნიციპალიტეტის საკრებულოს 2012 წლის 20 აპრილის N55 განკარგულებაში და განკარგულების პირველ მუხლით დამტკიცებული „სამშობლოსათვის დაღუპულ გმირთა მემორიალის პროექტის შესარჩევი კონკურსის პირობები“ ჩამოყალიბდეს თანდართული რედაქციით.

მუხლი 2. განკარგულება შეიძლება გასაჩივრდეს ოზურგეთის რაიონულ სასამართლოში, მისამართზე, ქ. ოზურგეთი, ი. სიორიძის ქ. N14 მისი ამოქმედებიდან ერთი თვის ვადაში საქართველოს ადმინისტრაციული საპროცესო კოდექსის მე-8 თავის 22-ე მუხლის მე-3 ნაწილის შესაბამისად.

მუხლი 3. განკარგულება ძალაშია გამოქვეყნებისთანავე.

საკრებულოს თავმჯდომარე



რევაზ ჩიტბე

სამშობლოსათვის დაღუპულ გმირთა მემორიალის პროექტის შესარჩევი
კონკურსის პირობები

1. კონკურსის მიზანი

კონკურსის მიზანია სამშობლოს კეთილდღეობისათვის დაღუპულ ლანჩხუთელ მეომართა სახელების უკვდავსაყოფი მემორიალისათვის (შემდგომში – მემორიალი) საუკეთესო პროექტის შერჩევა და გამარჯვებულის გამოვლენა.

2. ზოგადი კრიტერიუმები

1. კონკურსის მომწყობია ლანჩხუთის მუნიციპალიტეტის საკრებულო.
2. კონკურსში მონაწილეობა შეუძლია საქართველოს ყველა მოქალაქეს გარდა საკონკურსო კომისიის წევრებისა.
3. საკონკურსო წინადადებით წარმოდგენილი ყველა დოკუმენტი ან/და ინფორმაცია წარმოდგენილი უნდა იყოს ქართულ ენაზე და ხელმოწერილი და ბეჭედდასმული უნდა იყოს შესაბამისად უფლებამოსილი პირის მიერ. უცხო ენაზე წარმოდგენის შემთხვევაში მათ თან უნდა დაერთოს ნოტარიულად დამოწმებული ქართული თარგმანი. აღნიშნულ შემთხვევაში უპირატესობა ენიჭება ქართულ თარგმანს.
4. მემორიალის პროექტების შექმნისას ავტორი თავისუფალია ნებისმიერი სახის შეზღუდვისაგან.
5. კონკურსთან დაკავშირებულ ყველა დამატებით საკითხზე ინფორმაცია იძლევა კონკურსის კოორდინატორი - სამშობლოსათვის დაღუპულ გმირთა მემორიალის პროექტის შესარჩევი კონკურსის ჩატარების მიზნით შექმნილი კომისია.

3. კონკურსის პირობები

1. საკონკურსო პროექტს კონკურსანტი წარმოადგენს კონვერტით, რომელსაც უნდა ეწეროს კომისიის დასახელება და მისამართი. ესკიზი წარმოდგენილი იქნეს 3D ფორმატში, (ელექტრონული ვერსიით) ფერადი, დაბეჭდილი A3 ზომის ფურცელზე, ზედა მარჯვენა კუთხეში ავტორის დევიზის (კოდის) მითითებით და უნდა ერთვოდეს მოკლე შინაარსობრივი აღწერა-დასაბუთება.
2. წარმოდგენილ კონვერტში უნდა იდოს მცირე ზომის დაღუპული კონვერტი, რომელზეც ზემოდან აღნიშნული იქნება ავტორის დევიზი (კოდი), მასში მოთავსდება ინფორმაცია ავტორის ვინაობის, მისამართისა და სხვა საკონტაქტო მონაცემების შესახებ.
3. კონკურსში მონაწილეობა დასტურდება კომისიის მიერ დაღუპული კონვერტის მიღებით, რაც ამავედროულად ნიშნავს, რომ კონკურსის პირობები მისაღებია კონკურსანტისათვის.
4. ესკიზი ვიზუალური და შინაარსობრივი დატვირთვით აუცილებლად უნდა იყოს საქართველოს დამოუკიდებლობის, ერთიანობისა და თავისუფლების ან/და მისთვის ბრძოლისა და თავგანწირვის სიმბოლო. ამასთან, შესაძლებელია გამოყენებული იქნეს რელიგიური მოტივები.
5. მემორიალი უნდა განთავსდეს ქ. ლანჩხუთში არსებულ ცენტრალურ სკვერში, 25კვ.მ-ის ტერიტორიაზე. მემორიალის მთავარი ხედი ორიენტირებული უნდა იყოს ჟორდანის ქუჩისკენ.

6. ესკიზი შესაძლებელია შესრულდეს ნებისმიერი სახვითი საშუალებით (ფანქარი, გუაში, ტუში, აკვარელი, ტემპერა, შერეული ტექნიკა და სხვა).

7. საპროექტო-სახარჯთაღრიცხვო დოკუმენტაცია უნდა შეიცავდეს:

-მონუმენტის ესკიზს;

-ხარჯთაღრიცხვას;

განმარტებით ბარათს;

8. საპროექტო-სახარჯთაღრიცხვო დოკუმენტაცია მომზადებული უნდა იყოს საქართველოში მოქმედი სტანდარტების შესაბამისად.

9. კონკურსანტმა შემსყიდველს უნდა გადასცეს სრული საპროექტო-სახარჯთაღრიცხვო დოკუმენტაცია 4 (ოთხი) ეგზემპლარად და მისი შესაბამისი ელექტრონული ვარიანტი. ელექტრონულ ვარიანტში ტექსტური დოკუმენტაცია დაბეჭდილი უნდა იყოს შრიფტით sylfaen. CD დისკით. ამასთანავე თითოეული ფაილის ოდენობა ზომით არ უნდა აღემატებოდეს 7 მეგაბაიტს.

10. სახარჯთაღრიცხვო დოკუმენტაციაში მითითებული სამუშაოების სავარაუდო ღირებულება არ უნდა აღემატებოდეს 33 000 ლარს. იმ შემთხვევაში, თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენა განხორციელდება ანაზღაურების გარეშე.

11. საკონკურსო წინადადება, რომლის ფასი აღემატება შესყიდვის სავარაუდო ღირებულებას 1000 ლარს, არ განიხილება.

4. კონკურსის ჩატარების ვადები

1. კონკურსის გამოცხადების ვადად განისაზღვროს 2012 წლის 1 აგვისტო.

2. საკონკურსო პროექტების წარმოდგენის ბოლო ვადად განისაზღვროს 2012 წლის 5 სექტემბერი.

3. შედეგების გამოცხადება 2012 წლის 11 სექტემბერს.

5. კონკურსის მონაწილეთა საავტორო უფლებები

1. საჭიროების შემთხვევაში შემსყიდველი უფლებას იტოვებს, შეიტანოს ცვლილებები წარმოდგენილ ესკიზში ან/და საპროექტო-სახარჯთაღრიცხვო დოკუმენტაციაში. ასეთის არსებობის შემთხვევაში კონკურსანტი ვალდებულია ესკიზი ან/და მისი საპროექტო-სახარჯთაღრიცხვო დოკუმენტაცია მოამზადოს შემსყიდველის შენიშვნებისა და წინადადებების გათვალისწინებით.

2. გამარჯვებული პროექტები გადადის კონკურსის ორგანიზატორების საკუთრებაში საავტორო უფლებების შესახებ მოქმედი კანონმდებლობის დაცვით, ხოლო ყველა სხვა პროექტი მოთხოვნისთანავე უბრუნდება ავტორს.

3. კონკურსის შედეგები გამოცხადდება საინფორმაციო საშუალებებით.